

gentes, quæ te non cognovérunt, ad te current propter Dóminum Deum tuum, et Sanctum Israël, quia glorificávit te.

Tempore paschali

**Allelúia, allelúia.** v. Is. 60, 4 Leva in circúitu óculos tuos, et vide : omnes isti congregáti sunt, venérunt tibi.

**Allelúia.** v. Filii tui de longe vénient, et filiæ tuæ de látere surgent. **Allelúia.**

In Missis votivis extra tempus paschale dicitur

**Graduale Eccl. 24, 25-26** In me grácia omnis viæ et veritatis, in me omnis spes vitæ et virtutis. v. Transíte ad me, omnes qui concupíscitis me, et a generationibus meis implémini. **Allelúia, allelúia.** v. Salve, Mater misericordiæ, Mater spei et gratiæ, o María. **Allelúia.**

Post Septuagesimam, cunctis Allelúia et versu sequenti, dicitur

**Tractus Apoc. 22, 16-17** Ego sum radix et genus David, stella spléndida et matutina. v. Et spíritus et sponsa dicunt : Veni. Et qui audit, dicat : Veni. v. Et qui sinit, véniat ; et qui vult, accípiat aquam vitæ gratis.

**H** Sequéntia sancti Evangélii secundum Ioánnem 10, 19, 25-27  
IN ILLO tempore : Stabant iuxta crucem Iesu mater eius, et soror matris eius Maria Cléophæ, et María Magdaléne. Cum vidisset ergo Iesus matrem, et discípulum stantem, quem diligébat, dicit matri suæ : Múlier, ecce filius tuus. Deinde dicit discípulo : Ecce mater tua. Et ex illa hora accépit eam discípulus in sua.

**Antiphona ad Offertorium** Ier. 18, 20 Recordáre, Virgo Mater, in conspéctu Dei, ut loquáris pro nobis bona, et

ut avértat indignationem suam a nobis (T. P. allelúia).

Secreta

**M**ATRIS tuæ ac Mediatriçis nostræ précibus, Dómine, quæsumus : hæc hostiárum oblátio nosmetípsos, tua grácia largiénte, tibi perficiat munus ætérnum : Qui vivis.

Præfatio de B. Maria V. Et te in Festivitatē.

**Antiphona ad Communionem** Esther 15, 17 Valde mirabilis es, o María, et fácies tua plena est gratiarum (T. P. allelúia).

Postcommunio

**S**UBVÉNIAT nobis, Dómine, beátæ Maríae Matris tuæ ac nostræ Mediatriçis orálio : ut per hæc sacrosáncta commércia, tua grácia largiénte, ad redemptiōnis ætérnæ proficiámus augmémentum : Qui vivis.

EODĒM DÍE 8 MAI

### BEATÆ MARIAE VIRG. D. N. A CORDE IESU

**Antiphona ad Introitum** Ps. 9, 3 et 11

**L**ÆTÁBOR et exsultábo in te : sperent in te qui novérunt nomen tuum, quóniam non derelínquis quærentes te (T. P. allelúia, allelúia).  
Ps. ibid., 2 Confitébor tibi, Dómine, in toto corde meo : narrábo ómnia mirabilia tua. v. Glória Patri. Lætábor.

Oratio

**D**ÓMINE Iesu Christe, qui, beata María Vírgine intercedénte, in nos divítias Cordis tui dignáris effündere : concéde, quæsumus ; ut, quod in eiúsdem Vírginis veneratiōne depóscimus, te propitiánte conseguiri mereámur : Qui vivis.

## Léctio libri Sapiéntiæ

Eccl. 24, 23-31

**E**go quasi vitis fructificávi suavitátem odoris : et flores mei, fructus honóris et honestatis. Ego mater pulchræ dilectionis, et timoris, et agnitionis, et sanctæ spei. In me grácia omnis viæ et veritatis, in me omnis spes vitæ et virtutis. Transíte ad me, omnes qui concupiscitis me, et a generationibus meis impléminti. Spíritus enim meus super mel dulcis, et hereditas mea super mel et favum. Memória mea in generationes sæculorum. Qui edunt me, adhuc esúrinent : et qui bibunt me, adhuc sítient. Qui audit me, non confundétur : et qui operántur in me, non peccábunt. Qui elúcident me, vitam æternam habébunt.

Tempore paschali

Alleluia, alleluia. v. Num. 17, 8 Virga Iesse flóruit : Virgo Deum et hominem génuit : pacem Deus réddidit, in se reconcilians ima summis.

Alleluia. v. Lc. 1, 28 Ave, María, grácia plena : Dóminus tecum : benedicta tu in muliéribus. Alleluia.

In Missis votivis extra tempus paschale dicitur

Graduale Benedicta et venerabilis es, Virgo María : quæ sine tactu pudoris invénta es mater Salvatoris. v. Virgo Dei Génitrix, quem totus non capit orbis, in tua se clausit viscera factus homo.

Alleluia, alleluia. v. Num. 17, 8 Virga Iesse flóruit : Virgo Deum et hominem génuit : pacem Deus réddidit, in se reconcilians ima summis. Alleluia.

Post Septuagesimam, omissis Alleluia et versu sequenti, dicitur

Tractus Lc. 1, 46-50 Magnificat áнима mea Dóminum : et exsultávit Spíritus meus in Deo salutári meo. v. Quia respéxit humilitátem ancillæ suæ : ecce enim ex hoc beátam me dicent omnes generatiōnes. v. Quia fecit mihi magna qui potens est : et sanctum nomen eius. v. Et misericórdia eius a progénie in progénies timéntibus eum.

**H** Sequéntia sancti Evangélii secúndum Ioánnem Io. 2, 1-11

**I**n illo tempore : Núptiæ factæ sunt in Cana Galilææ : et erat mater Iesu ibi. Vocátus est autem et Iesus, et discípuli eius ad nuptias. Et deficiénte vino, dicit mater Iesu ad eum : Vinum non habent. Et dicit ei Iesus : Quid mihi et tibi est, muller? nondum venit hora mea. Dicit mater eius ministris : Quodcúmque díixerit vobis, fácite. Erant autem ibi lapideæ hýdriæ sex pósitæ secúndum purificaciónem Iudæórum, capiéntes singulæ metréatas binas vel ternas. Dicit eis Iesus : Impléte hydrias aqua. Et implevérunt eas usque ad summum. Et dicit eis Iesus : Haurite nunc, et ferte architriclino. Et tulérunt. Ut autem gustávit architriclínus aquam vinum factam, et non sciébat unde esset, ministri autem sciébant, qui háuerant aquam : vocat sponsum architriclínus, et dicit ei : Omnis homo primum bonum vinum ponit : et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit initium signórum Iesus in Cana Galilææ : et manifestávit glóriam suam, et credidérunt in eum discípuli eius.

Allelúia et  
magnificat  
exsultavit  
ári meo.  
ancillæ  
átam me  
y. Quia  
est : et  
misericordies

Antiphona ad Offertorium Ier. 18,  
20 Recordare, Virgo Mater Dei, dum  
stéteris in conspectu Dómini, ut lo-  
quaris pro nobis bona (T. P. allelúia).

## Secreta

**I**NTERCÉSSIO, quæsumus, Dómine, be-  
átæ Mariæ semper Vírginis múnera  
nostra comméndet : nosque in eius ve-  
neratione sacratissimo Únigéniti Filii  
tui Cordi reddat accéptos : Qui tecum.

Præfatio de B. Maria Virg. Et te in Festi-  
vitatem.

Antiphona ad Communionem Eccl.  
24, 25 In me grátia omnis viæ et veri-  
tatis, in me omnis spes vitæ et virtutis  
(T. P. allelúia).

## Postcommunio

**C**OGNÓSCIMUS, Dómine Iesu, tuæ cir-  
ca nos clemétiæ largitatem : et  
ideo, beata María Vírgine apud Cor tu-  
um intercedente, fiduciálius exorámus ;  
ut, quos pascere non désinis imméritos,  
et digne tibi servire perficias, et donis  
überioribus prosequérис : Qui vivis.

EUDÆM DIE 8 MAI

**IN APPARITIONE  
SANCTI MICHAELIS  
ARCHANGELI**

Missa Benedicite, ut in Missali, die 29 sep-  
tembris 648; Credo dicitur tantum si festum  
celebratur gradu I classis.

DIE 15 MAI

**SANCTI ISIDORI AGRICOLÆ**

Anón:

...n Ps. 91, 13-14  
et palma florébit : si-  
cirus Libani multiplicábi-  
...: plantátus in domo Dómini :  
...riis domus Dei nostri (T. P. al-

lelúia, allelúia). Ps. ibid., 2 Bonum  
est confitéri Dómino : et psállere nō-  
mini tuo, Altissime. y. Glória Patri.  
Iustus.

## Oraio

**D**A NOBIS, quæsumus, misericors De-  
us : beato Isidoro agrícola Con-  
fessore tuo intercedente, supérbe non  
sápere ; sed eius méritis et exémplis,  
plácita tibi semper humilitate deservire.  
Per Dóminum.

## Léctio Epístolæ beati Iacobi Apóstoli

Iac. 5, 7-8, II et 16-18

**P**ATIÉNTES esítote, fratres, usque ad  
advéntum Dómini. Ecce agrícola  
exspéctat pretiósū fructum terræ, pa-  
tiénter ferens donec accípiat temporá-  
neum, et serótinum. Patiéntes ígitur  
estote et vos, et confirmáte corda ve-  
stra : quóniam advéntus Dómini ap-  
propinquávit. Ecce beatificámus eos,  
qui sustinuérunt. Sufferéntiam Iob au-  
dístis, et finem Dómini vidísistis, quó-  
niam misericors Dóminus est, et misé-  
rátor. Confitémini ergo altérutrum pec-  
cata vestra, et oráte pro ínvicem ut sal-  
vémini : multum enim valet deprecá-  
tio iusti assídua. Elías homo erat símilis  
nobis passíbilis : et oratióne orávit ut  
non plueret super terram, et non pluit  
annos tres, et menses sex. Et rursum  
orávit : et cælum dedit pluviam, et terra  
dedit fructum suum.

Tempore paschali

Allelúia, allelúia. y. Ps. III, 1 Beá-  
tus vir, qui timet Dóminum : in man-  
datis eius cupit nimis.

Allelúia. y. Osee 14, 6 Iustus ger-  
minabit sicut lílum : et florébit in ætér-  
num ante Dóminum. Allelúia.